

Ibar Ezkerra Europako 1 Helburuan sartzea «zail» ikusten du Espainiako Gobernuak

Egitura fondoak banatzeko irizpideak aldatzeak Espainiaren interesei kalte egingo liekeela dio

Efe / Madril

Begoña Lasagabaster Eako diputatuari zuzendutako erantzunean Ibar Ezkerra Europako Egitura Fondoan 1 Helburuan salbuespen bezala sartzea «zaila» dela dio Espainiako Gobernuak. Espainian fondoak autonomia erkidegoka banatzaren direla dio, eta hori aldatzea, Espainiaren interesen kontrako litza-tekeela.

ESPAINIAKO Gobernuak Eusko Alkartasunako diputatu Begoña Lasagabasterri emandako erantzun parlamentario batean azaldu duenez, «zaila da Ibar Ezkerreko eskualdea Europako 1 Helburuko eskualdeen barnean sartzea». Gainera, hori defenditzeak Espainiaren interesen kontra jokatzeko suposatuko luke.

Madrilgo gobernuaren arabera, Europako Batzordeak egitura fondoaren araudia egokitzeko egindako proposamenen, 1 Helburuko laguntzak jasotzeko lurraldeek bete beharreko irizpideak ez dira aldatu. Legediaren arabera, Espainian lurraldeek autonomia erkidego izan behar dute 1 Helburuan sartzeko, «eta irizpide hori aldatzeak, autonomia erkidego maila ez duen eskualde baten salbuespena defenditzeak, kaltetu egingo lituzke Espainiaren interesak», dio Espainiako Gobernuak.

1 Helburuan Europako biztanleko batez besteko BPGren (Barne Produktu Gordinaren) %75era iristen ez diren lurraldeak sartzen



XOUSE SIMAL

1 Helburuan sartzeak laguntza eta inbertsio gehiago ekarriko litzake Ibar Ezkerri.

60.000 milioi pezeta jokoan

■ JAURLARITZAREN eta Bizkaiko Diputazioaren datuen arabera, Ibar Ezkerreko 1 Helburuko kategorian sartuz gero, Europako erakundetatik 60.000 milioi pezeta jasoko lituzke (zazpi urtetan).

EAEko erakundek askitzat jo dute komunitatea 2 Helburuan mantentzea, baina Ibar Ezkerrearen kasuan 1 Helbu-

ruan sartzea nahi zuten. Bizkaiko eskualde honek horretarako irizpideak betetzen ditu: BPGren %75etik beherakoa, enplegu galera handia, langabezia tasa altua gazteen artean, eta ingurugiro endekatua.

Gaur egun, Espainiako Estatuko autonomia gehienak 1 Helburuaren barnean daude, Madril,

Balearrak, Katalunia, Errioxa, Aragoi, EAE eta Nafarroa izan ezik. Hala ere, Espainiako bi autonomiak, Valentziak eta Kantabriak, jada ez dituzte 1 Helburuan egoteko irizpideak betetzen, eta badirudi horiek hor mantentzeko interes berezia duela Espainiako Gobernuak.

1 Helburuan egoiteak abantaila asko

ekar liezazkioke. Bruselak diru gehiago bideratzen du lurralde horietara, garapen programak finantzatzeko, eta aukera zabalagoa ematen du erakunde publikoek enpresen inbertsioak lagunditzeko. Horrek inbertsio asko ekarriko lituzke Ibar Ezkerrean, agian estatuko beste leku batzuen kalterako.

dira. Espainiaren ustez, autonomia erkidegoak baino lurralde txikiagoak sartzea «zaila da, Europako Batzordean aldaketa hori onartzea zaila delako, eta gainera espainiar interesentzat kaltegarria delako».

Erantzun parlamentario horren arabera, biztanleko BPGaren %75 baino gutxiagoko irizpide hori betetzen duten lurralde gehienak jada 1 Helburuan daude erkidegoaren unitatea erabiliz, eta gutxi izango lirateke horiez gain Espainiatik sartu litekeenak. Aldiz, Europako beste herrialdeek irizpideak aldatuz gero, lurralde gehiago aurkeztuko lituzkete.

«Hori horrela, laguntzak jasotzeko aukerak izango lituzkeen Espainiako biztanleria Batasuneko baino gutxiago haziko litzateke. Ondorioz, Espainiak, populazioari dagokionez, parte-hartze txikiagoa izango luke laguntza horietan», dio Espainiako Gobernuak.

Iazko urrian Eusko Jaurlaritzak, Bizkaiko Diputazioak eta EAJ alderdiak salatu zuten PSOE eta PPk eragotzi egin zutela Ibar Ezkerra 1 Helburuan sartzea. Gogoratu zuten baita, Europako Batasunak lurralde irizpideak betetzen ez dituzten zortzi salbuespen onartu dituela orain arte. Araudi berriarekin litekeena da zortzi salbuespen horiek arauzkoak bihurtzea. Salbuespen horiei eustearen alde azaldu dira Erresuma Batua, Italia, Irlanda eta Frantzia. Espainiaren proposamenen, ordea, ez da salbuespenik jasotzen, eta ez dirudi hori defenditzearen aldekoa denik ere.

Burtsa

• J.B. ANDUEZA •

MILURTEKO azken urteko lehen astelehena, 1999ko urtarrilaren 4a, izan zen euroaren jaioteguna. Iparralde eta hegoaldeko euskaldunontzat, nahiz beste hamaika herrialdeetako europarrentzat moneta bakarra finkatu eta EBko finantza merkatuetan argia ikusi zueneko eguna; Bilbon ere akzioak eurotan kotizatzen hasi ziren astelehenetik.

Burtsek negoziazio igoera handia sumatu dute: Europa

batuago bat jaio da, II. mundu gerraz geroztik dolarraren nagusitasunari aurre egiteko gaitasuna duen moneta bakarrarekin. Eraginkortasun ekonomikoa handitzea ahalbidetuko du, lan eta kapitalak bideratzerako orduan ganbio tasaren aldaketan arriskua desagertaraztean. Finantza merkatuek harrera beroa egin zioten eta

Aste historikoa

■ ■ ■ Europa batuago bat jaio da, dolarraren nagusitasunari aurre egiteko gaitasuna duen moneta bakarrarekin

euroa bere egin duten herrialde guztietan izan zituzten igoerak aste hasieran.

Hala ere, euroa sortzea, erabaki ekonomikoa bezain politikoa izan da. Euroa ez da langabezia eta gainontzeko arazo ekonomikoak onbidean jarriko dituen sendabelar miragarria, lehiakortasuna eta egonkortasuna lagundu-

ko dituen ingurune berriaren aurpegia baizik, erronka bat.

Burtsari dagokionez, akzioen prezioek enpresen balioa adierazten jarraituko dute, eurotan nahiz pezetan; hori bai, etorkizunean ere, gorabeherak, gertaera berriak eta ezusteak izaten jarraituko dugu noski. Hori guzti hori, geroz eta finantza merkatu eraginkorragoekin eta familien parte-hartze orokorragoekin. Garai berri bat, finean.